

瓊瑄白真人集序

廣成子告黃帝曰無勞爾形無搖爾精乃可以長生言玉液煉已者祖之有日至陽赫赫至陰肅肅肅發乎天赫赫發乎地言金液煉形者祖之玉液爲始終日用工夫金液則一時半刻妙術了性了命更無他道黃帝聞其祕則有陰符柱下賜其旨則有道德伯陽殫其蘊則有參同平叔吐其術則有悟真至是而性命之學發露無餘矣自後平叔授之石得之石授之薛道源薛授之陳泥丸而真人之道乃受於泥丸先生者相傳次第何其真的哉真人名玉蟾號瓊瑄世爲福之閩清人大父董教瓊州而真人生於瓊天資聰敏髫鬣時卽能背誦五經及長文道藏輯要

白真人集序

壹

集一

思汪洋頃刻數千言立就然其長篇大牘弄翰戲語無非發明性命之學也予游留都遇一異人得聞真人煉已煉形之說又游臨江遇一道者得傳真人洞真雷法之書而臨之閣皂玉笥二名勝則又真人遊寓最久之處序記詩歌爲多因而窮搜廣訪凡散見於誌籍者會爲一帙朝夕究悟而陰符諸書性命之祕旨大都洩於其中矣是道也人人有之果能積養精氣清靜無爲以立其基窮彼至陽至陰之原得先天真一之氣以爲其母抱元守一九轉大還以純其功則由真人而直遯廣成不難矣雖然觀前後快活歌而見真人求道之苦觀煉丹不成詩而見真人用功之難不從苦難處大做一番而欲以沈酣富貴之

身紛紜利欲之念妄希意於此道也不猶適燕而抵粵哉予持  
真人集游閩中詢知真人世家閩清自喜曰何其有緣如是同  
寅林邦瑞丈潮人爲真人鄉後進素有志於性命之學者因托  
其校正而付之梓昔萬曆甲午年端陽日龍沙會中式首座粵  
地教宗會稽秦甯何繼高書

道藏輯要

白真人集  
序一

卷一  
一

正一天師清微弟子共百堅製作  
道教學術資訊網站